

THE 1998
MISS UNIVERSE
PAGEANT®

WENDY LACLE CLA PA MISS UNIVERSE



Un anochi special a worde organiza Di-asabra na cas di Atan Lee na Catiri, unda invitadonan special a haya oportunidad di mira e bistirnan cu nos Miss Universe Aruba, esta Wendy Laclé, lo bay briya cune na Hawaii, pa e certamen di Miss Universe.

Durante un Anochi di Gala special, Wendy a desfila pa publico tur e creacionnan magnifico cu cual sigur e lo acapara atencion di tur esnan presente na e certamen di Miss Universe.

Awe falta exactamente 21 dia pa e Certamen di Miss Universe tuma lugar.

Awe pa medio di diferente pagina, DIARIO lo trece pa pueblo foto di e anochi special aki, unda Wendy a luci formidablemente.

Por compronde cu entrante e aña aki, Miss Universe lo ta un formato completamente nobo. E generacion nobo di certamen ta bay mucho mas leu cu djis beyeza.



THE 1998
MISS UNIVERSE
PAGEANT®

WENDY LACLE CLA PA MISS UNIVERSE



Aki DIARIO ta trece descripcion di e bistirnan (segun informe sumnistr pa e organizadornan):

TRAHE DI GALA

E bistir ta elabora den un chiffon di seda blou hortencia cu ta laga den libertad e curpa den un maya transparente cu un escote profundo den lomba te na cadera. Dilanti tin un escote den forma ohal remarca cu dos broche di briyante. E impate di e maya cu e saya y e busto ta elabora den rosana grandi den canchi frances, cualnan ta remaca cu briyantenan swaroski y cu tononan blou. E maya ta totalmente salpica cu briyante den seis tamaño cu ta forma un policromia den bay y bini. Cu un detaye special pa acaria e lomba den forma di un red di hilos di briyante cualnan ta tene e bistir. E parti patras di e saya tin un cola den forma di halanan grandi di barbuleta.



TRAHE DI FANTASIA

E trahe ta basa riba colornan di laman di Aruba. Un maya elabora y un trahe di baño elabora cu kirpur frances y yena cu briyantenan checo y sirconia. E meya tambe ta full yena cu briyantenan swaroski. Cu adorno na man cu ta capta e constante movimiento di biento y tambe un espectacular corona den forma di ola y un representacion di un pisca, elabora den briyantenan swaroski y plumanan coque.

BISTIR FUXCIA

A worde inspira riba e Hawaiianonan. Di e tema "devoré" fuxcia cu tono tornasol. Saya tin strepi di color fuxcia cu ta defini e cadera y na unda e saya ta cay libremente.




THE 1998
MISS UNIVERSE
PAGEANT

WENDY LACLE CLA PA MISS UNIVERSE




Manera por mira riba e fotonan aki, Wendy Lacle a luci na un forma unico e anochi di Gala aki, una publico a comenta positivamente su trahenan special.




THE 1998
MISS UNIVERSE
PAGEANT

WENDY LACLE CLA PA MISS UNIVERSE



E aña aki atrobe Matutino DIARIO Aruba lo ta trece tur e ultimo informacionnan pa loke ta trata Miss Universe 1998, directamente for di Honolulu, Hawaii.



THE 1998
MISS UNIVERSE
PAGEANT

WENDY LACLE CLA PA MISS UNIVERSE



BISTIR LILA

Un conhunto di tres pida den crepe di seda. Un carson, un top y un blousa di chifon di seda cosi na man. Un bistir tambe cu por worde usa diferenet manera na diferente ora.

BISTIR BERDE AQUAMARINO

Inspirando den añanan 60, cordando riba Marilyn Monroe. Un conhunto di dos pida, cu ta consisti di un full bistir estilo short cu un sobrefalda di chifon transparente. E bistir aki por worde usa dos biaha.

BISTIR COLOR DI COPER

E bistir ta traha di un tela "devoré" color coper di un solo banda di streep. E bistir su idea ta pa laga e movimentod i curpa ta liber, loke Wendy ta haci perfectamente. Tambe e tin un spleet na banda, asina mostrando un solo pia. Como adorno un detaye di un joya elabora den perla y oro, e asina yama "Spirito Cabrito", cual su significacion ta "liber pa bula"

BISTIR

BLAUW SCUR

E bistir ta un tenencia oriental y cu un profundo escote dilanti y patras. E tela cu a worde usa ta di seda purio cu ta acaricia y defini e silueta di e persona. Detaye di briyante na e cuello y den lomba.

BISTIR COLOR ROOS SECO

E bistir ta un linea clasico di un crepe roos seco. E ta decora cu un cripure frances y borda cu briyante checo. E saya ta corta den un forma solar y cu apertura halto na cada banda.

BISTIR PRETO DI ENTREVISTA RIBA STAGE

E trahe ta den un



chifon preto y canci frances, borda den perla y beadnan preto. El a haya hopi aplauso mes durante e presentacion. E saya ta di un serpentina y cu un escote masha profundo. E color preto ta escogencia di e organizacion di Miss Universe.

BISTI DI ENTREVISTA CU HURADO

E tela cu a worde usa ta "pigue" borda, tipo ojalía. E bistir ta consisti di dos pida: Un bistir strapless y cu bachi estilo bachi. E corte cu a worde usa ta estilo princesa.

Kitando e bachi e ta keda un bistir di caya cu broche di oro y perla.

E anochi aki por a mira un sonrisa riba cara di Jaime Arango, kende a someti Wendy na un training formidable na Colombia.

Por a nota cu fisicamente Wendy ta "tops", y cu e tin mas energia. Su curpa ta mas fuerte, y sigur cla pa e simannan intenso di entrenamiento na Hawaii preparando pa e certamen.

Tambe por mira foto di e 3 candidatanan, cu e aña aki lo competi pa e titulo di Aruba.

